



Odluka
o davanju saglasnosti na Odluku o preraspodjeli sredstava planiranih
u Budžetu Grada Sarajeva za 2018. godinu

(prijedlog)

Predlagač: Gradonačelnik

Obrađivač: Gradska služba za opću upravu i
zajedničke poslove

Sarajevo, novembar 2018. godine

Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), Gradsko vijeće Grada Sarajeva, na sjednici od _____ donosi

(prijedlog)

Odluku
o davanju saglasnosti na Odluku o preraspodjeli sredstava planiranih
u Budžetu Grada Sarajeva za 2018. godinu

Član 1.

Ovom odlukom daje se saglasnost na Odluku o preraspodjeli sredstava planiranih u Budžetu Grada Sarajeva za 2018. godinu, broj: 01-14-5795-3/18 od 07.11.2018. godine.

Član 2.

Ovlašćuje se Gradonačelnik Grada Sarajeva da donese odluku iz člana 1. ove odluke.

Član 3.

Odluka stupa na snagu danom donošenja, a objavit će se u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA
GRADA SARAJEVA**

Igor dr. Gavrić

Broj:
Sarajevo, __. __. 2018. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), kojim je propisano da Gradsko vijeće Grada Sarajeva ima nadležnost da donosi odluke, druge propise i opće akte i daje njihovo tumačenje.

RAZLOZI DONOŠENJA

Republika doo obratila se Zahtjevom za donaciju za Spektakl na ledu, predstava „Snježana i sedam patuljaka“, za sredstva koja su neophodna za osiguranje ispunjenja tehničko-produkcijskih zahtjeva. Svjetski poznata kompanija Russian Ice Stars uvrstila je Sarajevo na mapu gradova u kojima će se održati navedeni spektakl. Održavanje ovog spektakla na ledu promovirat će se kroz razne nastupe u bh medijima, kao i putem standardnog oglašavanja.

Događaj ovakvog nivoa ima veliki značaj za grad Sarajevo i osnaživanje njegovog imidža u svijetu.

U cilju realizacije Spektakl na ledu, predstava „Snježana i sedam patuljaka“, a budući da nisu planirana sredstva na budžetskoj poziciji 614100, predložena je Odluka o preraspodjeli sredstava planiranih u Budžetu Grada Sarajeva za 2018. godinu, broj: 01-14-5795-3/18 od 07.11.2018. godine.

Imajući u vidu navedeno, a u cilju obezbjeđenja transparentnosti trošenja finansijskih sredstava budžeta Grada Sarajeva, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke nisu potrebna.



Broj: 01-14- 5795-3 /18
Sarajevo, 07.11.2018. godine

Na osnovu člana 7. stav 1. i 2. Odluke o izvršavanju Budžeta Grada Sarajeva za 2018. godinu („Službene novine Kantona Sarajevo“, broj 1/18), gradonačelnik donosi:

ODLUKU
o preraspodjeli sredstava planiranih
u Budžetu Grada Sarajeva za 2018. godinu

Član 1.

Ovom Odlukom, sredstva planirana u Budžetu Grada Sarajeva za 2018. godinu ("Službene novine Kantona Sarajevo", broj 1/18) na poziciji 821000 – Adaptacija i opremanje poslovnih prostora GS u iznosu od 148.000,00 KM sredstva se preraspodjeljuju i preusmjeravaju na poziciju 614100 – Spektakl na ledu, predstava „Snježana i sedam patuljaka“, za osiguranje ispunjenja tehničko-produkcijskih zahtjeva, Republika doo, Sarajevo u iznosu od 50.000,00 KM .

Član 2.

Za realizaciju ove odluke zadužuje se Stručna služba gradonačelnika Grada Sarajeva i Gradska služba finansija.

Član 3.

Ova Odluka stupa na snagu danom donošenja.

Obrazloženje

Pravni osnov za donošenje ove Odluke sadržan je u članu 7. stav 1. i 2. Odluke o izvršavanju Budžeta Grada Sarajeva za 2018. godinu, kojim je propisano da preraspodjela sredstava ne može biti veća od 10% ukupno odobrenih rashoda i izdataka, a preraspodjela je iznimno dozvoljena po odluci Gradonačelnika, na prijedlog Gradske službe finansija.

U Budžetu Grada Sarajeva za 2018. godinu planirana su sredstva na poziciji 821000 – Adaptacija i opremanje poslovnih prostora GS u iznosu od 148.000,00 KM, koja neće biti realizovana.

Budući da nisu planirana sredstva na budžetskoj poziciji 614100 – Spektakl na ledu, predstava „Snježana i sedam patuljaka“, za osiguranje ispunjenja tehničko-produkcijskih zahtjeva, Republika doo, Sarajevo, predloženo je da se navedena sredstva preraspodjele, kao u članu 1. ove odluke.



Republika doo obratila sa Zahtjevom za donaciju za Spektakl na ledu, predstava „Snježana i sedam patuljaka“, za osiguranje ispunjenja tehničko-produkcijskih zahtjeva, obavještavajući nas da je svjetski poznata kompanija Russian Ice Stars uvrstila Sarajevo na mapu gradova u kojoj će održati navedeni spektakl. Spektakl na ledu će biti promoviran kroz razne nastupe u bh medijima, kao i putem standardnog oglašavanja. Događaj ovakvog nivoa ima veliki značaj za grad Sarajevo i osnaživanje njegovog imidža u svijetu.

S ozirom da za to sredstva nisu planirana Budžetom Grada Sarajeva za 2018. godinu neophodna je preraspodjela sredstava za ovu namjenu.

Shodno iznesenom, predloženo je da se navedena sredstva preraspodjele, kao u članu 1. ove Odluke, za realizaciju navedenog u iznosu od 50.000,00 KM.

GRADONAČELNIK

mr. Abdulah Skaka

Dostaviti:

- Stručna služba gradonačelnika Grada Sarajeva
- Gradska služba finansija,
- a/a
- u spis